

ऋषिः नोधाः गौतमः	छन्दः त्रिष्टुप्	देवता इन्द्रः
------------------	------------------	---------------

प्र मन्महे शवसानाय शूषमाङ्गुषं गिर्वणसे अङ्गिरस्वत्	
सुवृक्तिभिः स्तुवत ऋग्मियायार्चामार्कं नरे विश्रुताय	॥ 1 ॥
प्र वो महे महि नमो भरध्वमाङ्गुष्यं शवसानाय सामं	
येना नः पूर्वे पितरः पदज्ञा अर्चन्तो अङ्गिरसो गा अविन्दन्	॥ 2 ॥
इन्द्रस्याङ्गिरसां चेष्टौ विदत्सरमा तनयाय धासिम्	
बृहस्पतिर्भिनदद्रिं विदद्वाः समुस्त्रियाभिर्वावशन्तु नरः	॥ 3 ॥
स सुष्टुभा स स्तुभा सप्त विप्रैः स्वरेणाद्रिं स्वय्यो ३ नवगवैः	
सरण्युभिः फल्लिमिन्द्र शक्र वलं रवेण दरयो दशगवैः	॥ 4 ॥
गृणानो अङ्गिरोभिर्दस्म वि वरुषसा सूर्येण गोभिरन्धः	
वि भूम्या अप्रथय इन्द्र सानु दिवो रज् उपरमस्तभायः	॥ 5 ॥
तदु प्रयक्षतममस्य कर्म दस्मस्य चारुतममस्ति दंसः	
उपह्वरे यदुपरा अपिन्वन्मध्वर्णसो नद्यश्चतस्रः	॥ 6 ॥
द्विता वि वत्रे सनजा सनीळे अयास्यः स्तवमानेभिरुकेः	
भगो न मेने परमे व्योमत्रधारयद्रोदसी सुदंसाः	॥ 7 ॥
सनाद्विवं परि भूमा विरूपे पुनुर्भुवा युवती स्वेभिरेवैः	
कृष्णोभिरुक्तोषा रुशद्विर्वर्षुभिरा चरतो अन्यान्या	॥ 8 ॥
सनेमि सख्यं स्वपस्यमानः सनुदीधार शवसा सुदंसाः	
आमासु चिद्वधिषे पृक्कमन्तः पर्यः कृष्णासु रुशद्रोहिणीषु	॥ 9 ॥
सनात्सनीळा अवनोरवाता व्रता रक्षन्ते अमृताः सहोभिः	
पुरू सहस्रा जनयो न पत्नीर्दुवस्यन्ति स्वसारो अहयाणम्	॥ 10 ॥
सनायुवो नमसा नव्यो अर्केर्वसूयवो मृतयो दस्म दद्रुः	
पतिं न पत्नीरुशतीरुशन्तं स्पृशन्ति त्वा शवसावन्मनीषाः	॥ 11 ॥
सनादेव तव रायो गर्भस्तौ न क्षीयन्ते नोप दस्यन्ति दस्म	
द्युमाँ असि क्रतुमाँ इन्द्र धीरुः शिक्षा शचीवस्तव नः शचीभिः	॥ 12 ॥
सनायुते गोतम इन्द्र नव्यमतक्षद्वह्नं हरियोजनाय	
सुनीथाय नः शवसान नोधाः प्रातर्मक्षू धियावसुर्जगम्यात्	॥ 13 ॥

ऋषिः नोधाः गौतमः	छन्दः त्रिष्टुप्	देवता इन्द्रः
------------------	------------------	---------------

त्वं महाँ इन्द्र यो ह शुष्मैर्घावा जज्ञानः पृथिवी अमे धाः	
यद्ध ते विश्वा गिरयश्चिदध्वा भिया दृळ्हासः किरणा नैजन्	॥ 1 ॥

आ यद्धरी इन्द्र विव्रता वेरा ते वज्रं जरिता बाहोर्धात् ।  
 येनाविहर्यतक्रतो अमित्रान्पुरं इष्णासि पुरुहूत पूर्वीः ॥ 2 ॥  
 त्वं सत्य इन्द्र धृष्णुरेतान्त्वमृभुक्षा नर्यस्त्वं षाट् ।  
 त्वं शुष्णं वृजने पृक्ष आणौ यूने कुत्साय द्युमते सचाहन् ॥ 3 ॥  
 त्वं ह त्यदिन्द्र चोदीः सखा वृत्रं यद्वज्रिन्वृषकर्मन्नुभ्राः ।  
 यद्ध शूर वृषमणः पराचैर्वि दस्यूर्योनावकृतो वृथाषाट् ॥ 4 ॥  
 त्वं ह त्यदिन्द्रारिषण्यन्दृहस्यं चिन्मतीनामजुष्टौ ।  
 व्यस्मदा काष्ठा अर्वते वर्धनेव वज्रिञ्छथिह्यमित्रान् ॥ 5 ॥  
 त्वां ह त्यदिन्द्रार्णसातौ स्वमीळहे नरं आज्ञा हवन्ते ।  
 तव स्वधाव इयमा समर्य ऊतिर्वाजेष्वत्साय्या भूत् ॥ 6 ॥  
 त्वं ह त्यदिन्द्र सप्त युध्यन्पुरो वज्रिन्पुरुकुत्साय दर्दः ।  
 बर्हिर्न यत्सुदासे वृथा वर्गहो रंजन्वरिवः पूरवे कः ॥ 7 ॥  
 त्वं त्यां न इन्द्र देव चित्रामिषमापो न पीपयः परिज्मन् ।  
 यया शूर प्रत्यस्मभ्यं यंसि त्मनमूर्जं न विश्वधु क्षरंध्यै ॥ 8 ॥  
 अकारि त इन्द्र गोतमेभिर्ब्रह्माण्योक्ता नमसा हरिभ्याम् ।  
 सुपेशंसं वाजमा भरा नः प्रातर्मक्षू धियावसुर्जगम्यात् ॥ 9 ॥

(15)

64

(म.1, अनु.11)

ऋषिः नोधाः गौतमः	छन्दः जगती 1-14, त्रिष्टुप् 15	देवता मरुतः
------------------	--------------------------------	-------------

वृष्णे शर्धायु समखाय वेधसे नोधः सुवृक्तिं प्र भरा मरुद्धः ।  
 अपो न धीरो मनसा सुहस्त्यो गिरः समञ्जे विदथेष्वामुवः ॥ 1 ॥  
 ते जज्ञिरे दिव ऋष्वास उक्षणो रुद्रस्य मर्या असुरा अरेपसः ।  
 पावकासः शुचयः सूर्याइव सत्वानो न द्रप्सिनो घोरवर्पसः ॥ 2 ॥  
 युवानो रुद्रा अजरा अभोग्घनो ववक्षुरधिगावः पर्वताइव ।  
 दृळ्हा चिद्विश्वा भुवनानि पार्थिवा प्र च्यावयन्ति दिव्यानि मज्मना ॥ 3 ॥  
 चित्रैरञ्जिभिर्वपुषे व्यञ्जते वक्षःसु रुक्माँ अधि येतिरे शुभे ।  
 अंसैष्वेषां नि मिमृक्षुर्ऋष्टयः साकं जज्ञिरे स्वधया दिवो नरः ॥ 4 ॥  
 ईशानकृतो धुनयो रिशादसो वातान्विद्युत्स्तविषीभिरक्रत ।  
 दुहन्त्यूर्धदिव्यानि धूतयो भूमिं पिन्वन्ति पर्यसा परिज्रयः ॥ 5 ॥  
 पिन्वन्त्युपो मरुतः सुदानवः पयो घृतवद्विदथेष्वामुवः ।  
 अत्यं न मिहे वि नयन्ति वाजिनमुत्सं दुहन्ति स्तनयन्तमक्षितम् ॥ 6 ॥  
 महिषासो मायिनश्चित्रभानवो गिरयो न स्वतवसो रघुष्यदः ।

मृगाइव हस्तिनः खादथा वना यदारुणीषु तविषीरयुग्ध्वम्	॥ 7 ॥
सिंहाइव नानदति प्रचैतसः पिशाइव सुपिशो विश्ववेदसः	
क्षपो जिन्वन्तः पृषतीभिर्ऋष्टिभिः समित्सबाधः शवसाहिमन्यवः	॥ 8 ॥
रोदसी आ वदता गणश्रियो नृषाचः शूराः शवसाहिमन्यवः	
आ वन्धुरैष्वमतिर्न दर्शता विद्युन्न तस्थौ मरुतो रथेषु वः	॥ 9 ॥
विश्ववेदसो रयिभिः समोकसः संमिश्रासस्तविषीभिर्विरुषिनः	
अस्तार इषुं दधिरे गर्भस्त्योरनन्तशुष्मा वृषखादयो नरः	॥ 10 ॥
हिरण्ययैभिः पविभिः पयोवृध उज्जिन्नन्त आपथ्योऽ न पर्वतान्	
मखा अयासः स्वसृतो ध्रुवच्युतो दुध्रकृतो मरुतो भ्राजदृष्टयः	॥ 11 ॥
घृषुं पावकं वनिनं विचर्षणिं रुद्रस्य सूनुं हवसा गृणीमसि	
रजस्तुरं तवसं मारुतं गणमृजीषिणं वृषणं सञ्चत श्रिये	॥ 12 ॥
प्र नू स मर्तः शवसा जना अति तस्थौ व ऊती मरुतो यमावत	
अर्विद्धिर्वाजं भरते धना नृभिरापृच्छ्यं क्रतुमा क्षेति पुष्यति	॥ 13 ॥
चर्कृत्यं मरुतः पृत्सु दुष्टरं द्युमन्तं शुष्मं मघवत्सु धत्तन	
धनस्पृतमुक्थ्यं विश्वचर्षणिं तोकं पुष्येम् तनयं शतं हिमाः	॥ 14 ॥
नू ष्टिरं मरुतो वीरवन्तमृतीषाहं रयिमस्मासु धत्त	
सहस्रिणं शतिनं शूशुवांसं प्रातर्मक्षू धियावसुर्जगम्यात्	॥ 15 ॥

(10)

65

(म.1, अनु.12)

ऋषिः पराशरः शाक्त्यः

छन्दः द्विपदा विराट्

देवता अग्निः

पश्वा न त्रायुं गुहा चतन्तं नमो युजानं नमो वहन्तम्	॥ 1 ॥
सजोषा धीराः पदैरनुं ग्मन्नुप त्वा सीदन्विश्वे यजत्राः	॥ 2 ॥
ऋतस्य देवा अनु व्रता गुर्भुवत्परिष्टिद्यौर्न भूम	॥ 3 ॥
वर्धन्तीमार्षः पन्वा सुशिश्चिमृतस्य योना गर्भे सुजातम्	॥ 4 ॥
पुष्टिर्न रण्वा क्षितिर्न पृथ्वी गिरिर्न भुज्म क्षोदो न शंभु	॥ 5 ॥
अत्यो नाज्मन्त्सर्गप्रतक्तः सिन्धुर्न क्षोदः क ई वराते	॥ 6 ॥
जामिः सिन्धूनां भ्रातेव स्वस्त्रामिभ्यान्न राजा वनान्यत्ति	॥ 7 ॥
यद्वातजूतो वना व्यस्थादग्निर्ह दाति रोमा पृथिव्याः	॥ 8 ॥
श्वसित्यप्सु हंसो न सीदन् क्रत्वा चेतिष्ठो विशामुषर्भुत्	॥ 9 ॥
सोमो न वेधा ऋतप्रजातः पशुर्न शिश्वा विभुदूरेभाः	॥ 10 ॥

(10)

66

(म.1, अनु.12)

ऋषिः पराशरः शाक्त्यः

छन्दः द्विपदा विराट्

देवता अग्निः

रयिर्न चित्रा सूरु न संहगायुर्न प्राणो नित्यो न सूनुः	॥ 1 ॥
तक्का न भूर्णिर्वना सिषक्ति पयो न धेनुः शुचिर्विभावा	॥ 2 ॥
दाधार क्षेममोको न रण्वो यवो न पको जेता जनानाम्	॥ 3 ॥
ऋषिर्न स्तुभ्वा विक्षु प्रशस्तो वाजी न प्रीतो वयो दधाति	॥ 4 ॥
दुरोकशोचिः क्रतुर्न नित्यो जायेव योनावरं विश्वस्मै	॥ 5 ॥
चित्रो यदभ्राट्छेतो न विक्षु रथो न रुक्मी त्वेषः समत्सु	॥ 6 ॥
सेनेव सृष्टामं दधात्यस्तुर्न दिद्युत्वेषप्रतीका	॥ 7 ॥
यमो ह जातो यमो जर्नित्वं जारः कनीनां पतिर्जनीनाम्	॥ 8 ॥
तं वंश्वराथा वयं वसत्यास्तं न गावो नक्षन्त इद्धम्	॥ 9 ॥
सिन्धुर्न क्षोदुः प्र नीचीरैनोन्नवन्त गावः स्वर्दृशीके	॥ 10 ॥

(10)

67

(म.1, अनु.12)

ऋषिः पराशरः शाक्त्यः

छन्दः द्विपदा विराट्

देवता अग्निः

वनेषु जायुर्मतेषु मित्रो वृणीते श्रुष्टिं राजैवाजुर्यम्	॥ 1 ॥
क्षेमो न साधुः क्रतुर्न भद्रो भुवत्स्वाधीर्होता हव्यवाट्	॥ 2 ॥
हस्ते दधानो नृम्णा विश्वान्यमे देवान्धाद्गुहा निषीदन्	॥ 3 ॥
विदन्तीमत्र नरो धियंधा हृदा यत्तृष्टान्मन्त्रां अशंसन्	॥ 4 ॥
अजो न क्षां दाधारं पृथिवीं तस्तम्भु द्यां मन्त्रेभिः सत्यैः	॥ 5 ॥
प्रिया पदानि पश्वो नि पाहि विश्वायुरग्रे गुहा गुहं गाः	॥ 6 ॥
य ईं चिकेत गुहा भवन्तमा यः ससाद् धारामृतस्य	॥ 7 ॥
वि ये चृतन्त्यृता सर्पन्त आदिद्वसूनि प्र ववाचास्मै	॥ 8 ॥
वि यो वीरुत्सु रोधन्महित्वोत प्रजा उत प्रसूष्वन्तः	॥ 9 ॥
चित्तिरपां दमे विश्वायुः सद्भैव धीराः संमार्य चक्रुः	॥ 10 ॥

(10)

68

(म.1, अनु.12)

ऋषिः पराशरः शाक्त्यः

छन्दः द्विपदा विराट्

देवता अग्निः

श्रीणन्नप स्थादिवं भुरण्युः स्थातुश्चरथमक्तूर्न्यूर्णोत्	॥ 1 ॥
परि यदेषामेको विश्वेषां भुवद्देवो देवानां महित्वा	॥ 2 ॥
आदित्ते विश्वे क्रतुं जुषन्त शुष्काद्यद्देव जीवो जनिष्ठाः	॥ 3 ॥
भजन्त विश्वे देवत्वं नाम ऋतं सर्पन्तो अमृतमेवैः	॥ 4 ॥
ऋतस्य प्रेषां ऋतस्य धीतिर्विश्वायुर्विश्वे अपांसि चक्रुः	॥ 5 ॥
यस्तुभ्यं दाशाद्यो वा ते शिक्षात्तस्मै चिकित्वान्नयिं दयस्व	॥ 6 ॥

होता निषत्तो मनोरपत्ये स चिन्वासां पतीं रयीणाम्	॥ 7 ॥
इच्छन्त रेतां मिथस्तनूषु सं जानत स्वैर्दक्षैरमूराः	॥ 8 ॥
पितुर्न पुत्राः क्रतुं जुषन्त श्रोषन्त्ये अस्य शासं तुरासः	॥ 9 ॥
वि रायं और्णोदुरं पुरुक्षुः पिपेश नाकं स्तृभिर्दमूनाः	॥ 10 ॥

(10)

69

(म.1, अनु.12)

ऋषिः पराशरः शाक्त्यः	छन्दः द्विपदा विराट्	देवता अग्निः
----------------------	----------------------	--------------

शुक्रः शुशुक्लं उषो न जारः प्रप्रा समीची दिवो न ज्योतिः	॥ 1 ॥
परि प्रजातः क्रत्वा बभूथ भुवो देवानां पिता पुत्रः सन्	॥ 2 ॥
वेधा अदृप्तो अग्निर्विजानन्नूधर्न गोनां स्वाद्या पितुनाम्	॥ 3 ॥
जने न शेवं आहूर्यः सन्मध्ये निषत्तो रण्वो दुरोणे	॥ 4 ॥
पुत्रो न जातो रण्वो दुरोणे वाजी न प्रीतो विशो वि तारीत्	॥ 5 ॥
विशो यदह्ने नृभिः सनीळा अग्निर्देवत्वा विश्वान्यश्याः	॥ 6 ॥
नकिष्ट एता व्रता मिनन्ति नृभ्यो यदेभ्यः श्रुष्टिं चकथं	॥ 7 ॥
तत्तु ते दंसो यदहन्त्समानैर्नृभिर्यद्युक्तो विवे रपांसि	॥ 8 ॥
उषो न जारो विभावोस्रः संज्ञातरूपश्चिकेतदस्मै	॥ 9 ॥
त्मना वहन्तो दुरो व्यृण्वन्नवन्त विश्वे स्वर्दृशीके	॥ 10 ॥

(11)

70

(म.1, अनु.12)

ऋषिः पराशरः शाक्त्यः	छन्दः द्विपदा विराट्	देवता अग्निः
----------------------	----------------------	--------------

वनेम पूर्वीरयो मनीषा अग्निः सुशोको विश्वान्यश्याः	॥ 1 ॥
आ दैव्यानि व्रता चिकित्वाना मानुषस्य जनस्य जन्म	॥ 2 ॥
गर्भो यो अपां गर्भो वनानां गर्भश्च स्थातां गर्भश्चरथाम्	॥ 3 ॥
अद्रौ चिदस्मा अन्तदुरोणे विशां न विश्वो अमृतः स्वाधीः	॥ 4 ॥
स हि क्षपावाँ अग्नी रयीणां दाशद्यो अस्मा अरं सूक्तैः	॥ 5 ॥
एता चिकित्वो भूमा नि पाहि देवानां जन्म मतांश्च विद्वान्	॥ 6 ॥
वर्धान्यं पूर्वीः क्षपो विरूपाः स्थातुश्च रथमृतप्रवीतम्	॥ 7 ॥
अराधि होता स्वर्निषत्तः कृण्वन्विश्वान्यपांसि सत्या	॥ 8 ॥
गोषु प्रशस्ति वनेषु धिषे भरन्त विश्वे बलिं स्वर्णः	॥ 9 ॥
वि त्वा नरः पुरुत्रा संपर्यन्पितुर्न जिब्रेर्वि वेदो भरन्त	॥ 10 ॥
साधुर्न गृध्रस्तैव शूरो यातेव भीमस्त्वेषः समत्सु	॥ 11 ॥

ऋषिः पराशरः शाक्त्यः

छन्दः त्रिष्टुप्

देवता अग्निः

उप प्र जिन्वन्नृशतीरुशन्तं पतिं न नित्यं जनयः सनीळाः	
स्वसारः श्यावीमरुषीमजुष्रञ्चित्रमुच्छन्तीमुषसं न गावः	1
वीळु चिह्वळहा पितरो न उक्थैरद्रिं रुजन्नङ्गिरसो रवेण	
चक्रुर्दिवो बृहतो गातुमस्मे अहः स्वर्विविदुः केतुमुस्राः	2
दधन्नृतं धनयन्नस्य धीतिमादिदुर्यो दिधिष्वोऽ विभृत्राः	
अतृष्यन्तीरपसो यन्त्यच्छा देवाञ्जन्म प्रयसा वर्धयन्तीः	3
मथीद्यदी विभृतो मातरिश्वा गृहेगृहे श्येतो जेन्यो भूत्	
आदीं राज्ञे न सहीयसे सचा सन्ना दूत्यं भृगवाणो विवाय	4
महे यत्पित्र ई रसं दिवे करव त्सरत्पृशन्त्यश्चिकित्वान्	
सृजदस्ता धृषता दिद्युमस्मै स्वायां देवो दुहितरि त्विषिं धात्	5
स्व आ यस्तुभ्यं दम् आ विभाति नमो वा दाशादुशतो अनु द्यून्	
वधो अग्रे वयो अस्य द्विबर्हा यासद्राया सरथं यं जुनासिं	6
अग्निं विश्वा अभि पृक्षः सचन्ते समुद्रं न स्रवतः सप्त यद्भिः	
न जामिभिर्वि चिकित्ते वयो नो विदा देवेषु प्रमतिं चिकित्वान्	7
आ यदिषे नृपतिं तेज आनृदृष्टुचि रेतो निषिक्तं द्यौरभीकै	
अग्निः शर्धमनवृद्यं युवानं स्वाध्यं जनयत्सूदयञ्च	8
मनो न योऽध्वनः सद्य एत्येकः सत्रा सूरुो वस्व ईशे	
राजाना मित्रावरुणा सुपाणी गोषु प्रियममृतं रक्षमाणा	9
मा नो अग्रे सख्या पित्र्याणि प्र मर्षिष्ठा अभि विदुष्कविः सन्	
नभो न रूपं जरिमा मिनाति पुरा तस्यां अभिशस्तेरधीहि	10

ऋषिः पराशरः शाक्त्यः

छन्दः त्रिष्टुप्

देवता अग्निः

नि काव्या वेधसः शश्वतस्कर्हस्ते दधानो नर्या पुरुणि	
अग्निभुवद्रयिपती रयीणां सत्रा चक्राणो अमृतानि विश्वा	1
अस्मे वृत्सं परि षन्तं न विन्दन्निच्छन्तो विश्वे अमृता अमूराः	
श्रमयुवः पदव्यो धियंधास्तस्थुः पदे परमे चार्वग्रेः	2
तिस्रो यदग्रे शरदस्त्वामिच्छुचिं घृतेन शुचयः सपर्यान्	
नामानि चिद्धिरे यज्ञियान्यसूदयन्त तन्वशः सुजाताः	3
आ रोदसी बृहती वेविदानाः प्र रुद्रियां जभिरे यज्ञियांसः	

विदन्मतो॑ नेमर्धिता चिकित्वानग्निं पदे परमे तस्थिवांसम्	॥ 4 ॥
संजानाना उप सीदन्नभिज्ञु पत्नीवन्तो नमस्यं नमस्यन्	
रिक्कांसस्तन्वः कृण्वत् स्वाः सखा सख्युर्निमिषि रक्षमाणाः	॥ 5 ॥
त्रिः सप्त यद्गुह्यानि त्वे इत्पदाविदुर्निहिता यज्ञियासः	
तेभीं रक्षन्ते अमृतं सजोषाः पशूञ्च स्थातृञ्चरथं च पाहि	॥ 6 ॥
विद्वाँ अग्ने व्युनानि क्षितीनां व्यानुषक्छुरुधो जीवसे धाः	
अन्तर्विद्वाँ अध्वनो देवयानानतन्द्रो दूतो अभवो हविर्वाट्	॥ 7 ॥
स्वाध्यो दिव आ सप्त यद्दी रायो दुरो व्यृतज्ञा अजानन्	
विदद्गव्यं सरमा दृळ्हमूर्वं येना नु कं मानुषी भोजते विट्	॥ 8 ॥
आ ये विश्वा स्वपत्यानि तस्थुः कृण्वानासो अमृतत्वार्य गातुम्	
महा महद्भिः पृथिवी वि तस्थे माता पुत्रैरदितिर्धायसे वेः	॥ 9 ॥
अधि श्रियं नि दधुश्चारुमस्मिन्दिवो यदक्षी अमृता अकृण्वन्	
अध क्षरन्ति सिन्धवो न सृष्टाः प्र नीचीरग्रे अरुषीरजानन्	॥ 10 ॥

(10)

73

(म.1, अनु.12)

ऋषिः पराशरः शाक्त्यः	छन्दः त्रिष्टुप्	देवता अग्निः
----------------------	------------------	--------------

रयिर्न यः पितृवित्तो वयोधाः सुप्रणीतिश्चिकितुषो न शासुः	
स्योनशीरतिथिर्न प्रीणानो होतैव सद्य विधतो वि तारीत्	॥ 1 ॥
देवो न यः सविता सत्यमन्मा क्रत्वा निपाति वृजनानि विश्वा	
पुरुप्रशस्तो अमतिर्न सत्य आत्मेव शेवो दिधिषाय्यो भूत्	॥ 2 ॥
देवो न यः पृथिवी विश्वधाया उपक्षेति हितमित्रो न राजा	
पुरःसदः शर्मसदो न वीरा अनवद्या पतिजुष्टेव नारी	॥ 3 ॥
तं त्वा नरो दम आ नित्यमिद्धमग्रे सचन्त क्षितिषु ध्रुवासु	
अधि द्युमं नि दधुर्भूर्यस्मिन्भवा विश्वार्युर्धरुणो रयीणाम्	॥ 4 ॥
वि पृक्षो अग्ने मघवानो अश्रुर्वि सूरयो ददतो विश्वमायुः	
सनेम् वाजं समिथेष्वर्यो भागं देवेषु श्रवसे दधानाः	॥ 5 ॥
ऋतस्य हि धेनवो वावशानाः स्मदूधीः पीपयन्त द्युभक्ताः	
प्रावतः सुमतिं भिक्षमाणा वि सिन्धवः समया ससुरद्रिम्	॥ 6 ॥
त्वे अग्ने सुमतिं भिक्षमाणा दिवि श्रवो दधिरे यज्ञियासः	
नक्ता च चक्रुरुषसा विरूपे कृष्णं च वर्णमरुणं च सं धुः	॥ 7 ॥
यान्नाये मर्तान्तसुषूदो अग्ने ते स्याम मघवानो वयं च	
छायेव विश्वं भुवनं सिसक्ष्यापप्रिवात्रोदसी अन्तरिक्षम्	॥ 8 ॥
अर्वद्विरग्रे अर्वतो नृभिर्नृन्वीरैवीरान्वनुयामा त्वोताः	

ईशानासः पितृवित्तस्य रायो वि सूरयः शतहिमा नो अश्रुः ॥ 9 ॥  
 एता ते अग्र उचथानि वेधो जुष्टानि सन्तु मनसे हृदे च  
 शक्रेम रायः सुधुरो यमं तेऽधि श्रवो देवभक्तं दधानाः ॥ 10 ॥

(9) **74** (म.1, अनु.13)

ऋषिः गोतमः राहूगणः	छन्दः गायत्री	देवता अग्निः
उपप्रयन्तो अध्वरं मन्त्रं वोचेमाग्रये	आरे अस्मे च शृण्वते	॥ 1 ॥
यः स्त्रीहितीषु पूर्यः संजग्मानासु कृष्टिषु	अरक्षद्वाशुषे गर्यम्	॥ 2 ॥
उत ब्रुवन्तु जन्तव उदग्निर्वृत्रहार्जनि	धनंजयो रणैरणे	॥ 3 ॥
यस्य दूतो असि क्षये वेषि हव्यानि वीतये	दस्मत्कृणोष्यध्वरम्	॥ 4 ॥
तमित्सुहव्यमङ्गिरः सुदेवं सहसो यहो	जना आहुः सुबर्हिषम्	॥ 5 ॥
आ च वहासि तां इह देवां उप प्रशस्तये	हव्या सुश्चन्द्र वीतये	॥ 6 ॥
न योरुपद्विरश्र्यः शृण्वे रथस्य कञ्चन	यदग्रे यासि दूत्यम्	॥ 7 ॥
त्वोतो वाज्यहयोऽभि पूर्वस्मादपरः	प्र दाश्वो अग्रे अस्थात्	॥ 8 ॥
उत द्युमत्सुवीर्यं बृहदग्रे विवाससि	देवेभ्यो देव दाशुषे	॥ 9 ॥

(5) **75** (म.1, अनु.13)

ऋषिः गोतमः राहूगणः	छन्दः गायत्री	देवता अग्निः
जुषस्व सप्रथस्तमं वचो देवप्सरस्तमम्	हव्या जुह्वान आसनि	॥ 1 ॥
अथा ते अङ्गिरस्तमाग्रे वेधस्तम प्रियम्	वोचेम ब्रह्म सानसि	॥ 2 ॥
कस्ते जामिर्जनानामग्रे को दाश्वध्वरः	को ह कस्मिन्नसि श्रितः	॥ 3 ॥
त्वं जामिर्जनानामग्रे मित्रो असि प्रियः	सखा सखिभ्यु ईड्यः	॥ 4 ॥
यजा नो मित्रावरुणा यजा देवां ऋतं बृहत्	अग्रे यक्षि स्वं दमम्	॥ 5 ॥

(5) **76** (म.1, अनु.13)

ऋषिः गोतमः राहूगणः	छन्दः त्रिष्टुप्	देवता अग्निः
का तु उपेतिर्मनसो वराय भुवदग्रे शंतमा का मनीषा		
को वा यज्ञैः परि दक्षं त आपु केन वा ते मनसा दाशेम	॥ 1 ॥	
एह्यग्र इह होता नि षीदादब्धः सु पुरएता भवा नः		
अवतां त्वा रोदसी विश्वमिन्वे यजा महे सौमनसाय देवान्	॥ 2 ॥	
प्र सु विश्वान्नक्षसो धक्ष्यग्रे भवा यज्ञानामभिशस्तिपावा		
अथा वह सोमपतिं हरिभ्यामातिथ्यमस्मै चकृमा सुदाव्रं	॥ 3 ॥	
प्रजावता वचसा वहिरासा च हुवे नि च सत्सीह देवैः		
वेषि होत्रमुत पोत्रं यजत्र बोधि प्रयन्तर्जनितर्वसूनाम्	॥ 4 ॥	
यथा विप्रस्यु मनुषो हविर्भिर्देवां अयजः क्विर्भिः क्विः सन्		
एवा होतः सत्यतरु त्वमद्याग्रे मन्द्रया जुहा यजस्व	॥ 5 ॥	



(5)

77

(म.1, अनु.13)

ऋषिः गोतमः राहूगणः

छन्दः त्रिष्टुप्

देवता अग्निः

कथा दाशेमाग्रये कास्मै देवजुष्टोच्यते भूमिने गीः	
यो मर्त्येष्वमृतं ऋतावा होता यजिष्ठ इत्कृणोति देवान्	1
यो अध्वरेषु शंतम ऋतावा होता तमू नमोभिरा कृणुध्वम्	
अग्रियद्वेर्मतीय देवान्त्स चा बोधाति मनसा यजाति	2
स हि क्रतुः स मर्युः स साधुर्मित्रो न भूदद्भुतस्य रथीः	
तं मेधेषु प्रथमं देव्यन्तीविशु उप ब्रुवते दुस्ममारीः	3
स नो नृणां नृतमो रिशादा अग्निगिरोऽवसा वेतु धीतिम्	
तना च ये मघवानः शविष्ठा वाजप्रसूता इषयन्त मन्म	4
एवाग्निर्गोतमेभिर्ऋतावा विप्रैर्भिरस्तोष्ट जातवेदाः	
स एषु द्युमं पीपयत्स वाजं स पुष्टिं याति जोषुमा चिकित्वान्	5

(5)

78

(म.1, अनु.13)

ऋषिः गोतमः राहूगणः

छन्दः गायत्री

देवता अग्निः

अभि त्वा गोतमा गिरा जातवेदो विचर्षणे	द्युमैरभि प्र णोनुमः	1
तमु त्वा गोतमो गिरा रायस्कामो दुवस्यति	द्युमैरभि प्र णोनुमः	2
तमु त्वा वाजसातममङ्गिरस्वद्धवामहे	द्युमैरभि प्र णोनुमः	3
तमु त्वा वृत्रहन्तमं यो दस्यूरवधूनुषे	द्युमैरभि प्र णोनुमः	4
अवौचाम् रहूगणा अग्रये मधुमद्वचः	द्युमैरभि प्र णोनुमः	5

(12)

79

(म.1, अनु.13)

ऋषिः गोतमः राहूगणः

छन्दः त्रिष्टुप् 1-3, उष्णिक 4-6, गायत्री 7-12

देवता वैद्युतः अग्निः शुद्धाग्निः वा 1-3, अग्निः 4-12

हिरण्यकेशो रजसो विसारेऽहिर्धुनिर्वातइव धर्जीमान्	
शुचिभ्राजा उषसो नवेदा यशस्वतीरपस्युवो न सत्याः	1
आ ते सुपर्णा अमिनन्तु एवैः कृष्णो नोनाव वृषभो यदीदम्	
शिवाभिर्न स्मर्यमानाभिरागात्पतन्ति मिहः स्तनयन्त्यभ्रा	2
यदीमृतस्य पर्यसा पियानो नयन्तस्य पथिभी रजिष्ठैः	
अर्यमा मित्रो वरुणः परिज्मा त्वचं पृञ्चन्त्युपरस्य योनौ	3
अग्रे वाजस्य गोमत् ईशानः सहसो यहो। अस्मे धेहि जातवेदो महि श्रवः	4
स इधानो वसुष्कविरगिरीलेन्यो गिरा   रेवदुस्मभ्यं पुर्वणीक दीदिहि	5
क्षपो राजन्वत त्मनाग्रे वस्तोरुतोषसः   स तिग्मजम्भ रक्षसो दह प्रति	6
अवा नो अग्र ऊतिभिर्गायत्रस्य प्रभर्मणि   विश्वासु धीषु वन्द्य	7
आ नो अग्रे रयिं भर सत्रासाहं वरेण्यम्   विश्वासु पृत्सु दुष्टरम्	8

आ नो अग्रे सुचेतुना रुयि विश्वायुपोषसम् । माडीकं धेहि जीवसे	॥ 9 ॥
प्र पूतास्तिग्मशोचिषे वाचो गोतमाग्रये । भरस्व सुम्रयुगिरः	॥ 10 ॥
यो नो अग्रेऽभिदासत्यन्ति दूरे पदीष्ट सः । अस्माकमिद्वधे भव	॥ 11 ॥
सहस्राक्षो विचर्षणिरग्री रक्षांसि सेधति । होता गृणीत उक्थ्यः	॥ 12 ॥

(16)

80

(म.1, अनु.13)

ऋषिः गोतमः राहूगणः

छन्दः पङ्क्तिः

देवता इन्द्रः

इत्था हि सोम इन्मदे ब्रह्मा चकार वर्धनम्	
शविष्ठ वज्रिन्नोजसा पृथिव्या निः शशा अहिमर्चन्नु स्वराज्यम्	॥ 1 ॥
स त्वामददृषा मदः सोमः श्येनाभृतः सुतः	
येना वृत्रं निरुद्धो जघन्थ वज्रिन्नोजसार्चन्नु स्वराज्यम्	॥ 2 ॥
प्रेह्यभीहि धृष्णुहि न ते वज्रो नि यंसते	
इन्द्रं नृम्णं हि ते शवो हनो वृत्रं जया अपोऽर्चन्नु स्वराज्यम्	॥ 3 ॥
निरिन्द्रं भूम्या अधि वृत्रं जघन्थ निर्दिवः	
सृजा मरुत्वतीरव जीवधन्या इमा अपोऽर्चन्नु स्वराज्यम्	॥ 4 ॥
इन्द्रो वृत्रस्य दोधतः सानुं वज्रेण हीळितः	
अभिक्रम्याव जिघ्रतेऽपः समीय चोदयन्नर्चन्नु स्वराज्यम्	॥ 5 ॥
अधि सानो नि जिघ्रते वज्रेण शतपर्वणा	
मन्दान इन्द्रो अन्धसः सखिभ्यो गातुमिच्छत्यर्चन्नु स्वराज्यम्	॥ 6 ॥
इन्द्र तुभ्यमिदद्विवोऽनुत्तं वज्रिन्वीर्यम् ।	
यद्ध त्यं मायिनं मृगं तमु त्वं माययावधीरर्चन्नु स्वराज्यम्	॥ 7 ॥
वि ते वज्रासो अस्थिरन्नवतिं नाव्याः अनु	
महत्त इन्द्र वीर्यं बाह्वोस्ते बलं हितमर्चन्नु स्वराज्यम्	॥ 8 ॥
सहस्रं साकमर्चत परिं षोभत विशतिः ।	
शतैनुमन्वनोनवुरिन्द्राय ब्रह्मोद्यतमर्चन्नु स्वराज्यम्	॥ 9 ॥
इन्द्रो वृत्रस्य तविषीं निरहन्त्सहसा सहः	
महत्तदस्य पौंस्यं वृत्रं जघन्वाँ असृजदर्चन्नु स्वराज्यम्	॥ 10 ॥
इमे चित्तव मन्यवे वेपेते भियसा मही	
यदिन्द्र वज्रिन्नोजसा वृत्रं मरुत्वाँ अवधीरर्चन्नु स्वराज्यम्	॥ 11 ॥
न वेपसा न तन्यतेन्द्रं वृत्रो वि बीभयत्	
अभ्येनुं वज्र आयसः सहस्रभृष्टिरायतार्चन्नु स्वराज्यम्	॥ 12 ॥
यद्धृत्रं तव चाशनिं वज्रेण समयोधयः	
अहिमिन्द्र जिघांसतो दिवि ते बद्धे शवोऽर्चन्नु स्वराज्यम्	॥ 13 ॥

अभिष्टने तै अद्रिवो यत्स्था जगच्च रेजते |  
त्वष्टा चित्तव मन्यव इन्द्र वेविज्यते भियार्चन्ननु स्वराज्यम् || 14 ||  
नहि नु यादधीमसीन्द्र को वीर्या परः |  
तस्मिन्मृगमुत क्रतुं देवा ओजांसि सं दधुरचन्ननु स्वराज्यम् || 15 ||  
यामथर्वा मनुषिता दध्यङ् धियमलत |  
तस्मिन्ब्रह्माणि पूर्वथेन्द्र उक्था समग्मतार्चन्ननु स्वराज्यम् || 16 ||

| इति प्रथमाष्टके पञ्चमोऽध्यायः समाप्तः |